

currisse, & providisse, ejusque decreta, & mandata debitæ executioni demandari curasse, & quæ sit causa scientiæ?

6. An sciat cum sæpe solemniter celebrasse, ordinationes juxta necessitatem exigentiam habuisse, confirmationis sacramentum ministrasse, cæteraque Pontificalia exercuisse, & quæ sit causa scientiæ?

7. An sciat cum pietatis, charitatis, & prudentiæ in gubernando specimen dedisse, ac verbo, & exemplo profecisse, & quæ sit causa scientiæ?

8. An sciat eum prudenter ubilibet, & diligenter se gessisse in defendendis, conservandis, & augendis jurisdictionibus spiritalibus, & temporalibus, ac bonis omnibus suæ Ecclesiæ, & quæ sit causa scientiæ?

9. An sciat vere ea doctrina ipsum ad præfens pollere, quæ in Episcopo requiritur, ad hoc ut possit alios docere, & quæ sit causa scientiæ?

10. An dignum eum existimet, qui transferatur ad Ecclesiam N., & an censetur ejus translationem fore ipsi Ecclesiæ N. utilem, & proficuum, & quare ita existimet, & censetur.

Quid servandum circa inquisitionem faciendam in qualitates eorum, qui in Consistorio promovendi sunt, vel confirmandi ad dignitates Abbatiales, & Prioratus, & regimina Monasteriorum, vel alias Regularium Præfecturas.

Edem omnia servanda sunt, quæ dictum est, servari debere in promovendis ad Ecclesias Cathedralis, præsertim, quando præter curam, & regimen Monachorum annexa est Monasterio jurisdictione spiritalis, vel temporalis in populum.

Ideo super eisdem interrogatoriis examinandi sunt testes, mutatis tamen mutandis, respectu Ecclesiæ Cathedralis, & respectu Monasterii, vel dignitatis regularis.

Addatur interrogatorium circa professionem Ordinis, & tempus, a quo eam emisit: Circa vero ætatem sufficit interrogare, & scire, cujus ætatis sit, non restringendo se ad trigessimam annum expletum; postea enim videbitur, an in hujusmodi promovendo sit ætas legitima respectu dignitatis, ad quam promoveri debet.

Quoad doctrinam, cum promovendi ad hujusmodi dignitates regulares non sint per Concilia generalia adstricti ad gradum Doctoratus, sive Licentiæ, vel ad publicæ Academiæ testimonium, & nihilominus æquum sit, ut ea doctrina polleant, qua onus sibi imponendum sustinere valeant; Prælatus inquirentes studiose, ac diligenter inquirere debeant super doctrina ejusmodi personarum juxta modum, & formam superius notatam, ut Romanus Pontifex habita informatione, quæ nam sit promovendi doctrina, judicare possit, an sit talis, qualem dignitas illa exigit, & requirit.

Circa fidei professionem emittendam a promovendis tam ad Ecclesias Cathedralis, quam ad dignitates Regulares.

Fidei professio debet emitti in manibus Prælatus, ad quem inquisitio (servato ordine superius dicto) pertinet, a quo si promovendus longe distet, poterit idem Prælatus subdelegare receptionem dictæ professionis Ordinario, cui promovendus vicinior erit.

Prælatus recipiet professionem fidei a promovendo, præsentem Notario publico, ac testibus, ipse autem promovendus eam emittet genibus flexis ante Prælatum, & in fine tangendo ambabus manibus sacrosancta Evangelia, & spondendo, vovendo, ac jurando, prout in forma, ea deservabitur.

Profitemens duobus in locis, in quibus nomen, & cognomen suum exprimendum erit, ea dumtaxat sua propria manu adscribet.

Prælatus propriæ etiam manus subscriptione in fine exemplaris dictæ professionis testabitur, eam a se receptam fuisse sub hac forma, ego N. fidei professionem juxta superscriptam formam a R. P. D. N. in manibus meis ad verbum emissam recepi, & ita testor manu propria.

Demum Notarius, qui præfens fuit publico instrumento, in calce ejusdem exemplaris immediate post subscriptionem Prælatus inquirentis, extenso fidem faciet de prædictæ professionis emissione, ac receptione præsentibus testibus, quorum nomina, & cognomina exprimet.

Maxime curandum est, ut exemplaria professionis fidei transmittantur absque mendis, ne levibus quidem, cum nec in minimis liceat immutare formam a Sede Apostolica præscriptam, nimisque non modo Notarii scribentis, sed etiam præcipue Prælatus inquirentis incuria circa hoc notetur in Sacro Consistorio, quando in eo sit relatio processus, & mendum in professione fidei reperiatur: cum necesse sit, ea etiam nominatim referre: ideo expediens erit ad tollendam occasionem errorum provenientium ex incuria scribentis, ut ubique imprimantur exemplaria, juxta formam Romæ impressam, & maxima diligentia adhibeatur, ne mendose imprimantur. Cum vero transmittenda sunt instrumenta professionis fidei, hæc ipsa subscribantur a profitente, & a Prælato inquirentis, & in eisdem Notarius extendat instrumentum, prout dictum est.

Interrogatoria pro habenda informatione Status Ecclesiæ.

1. **A**n testis sciat in qua Provincia sita sit Civitas N. cujus situs, qualitas, & magnitudinis sit, quot consuletur domibus, & a quot Christianis inhabitetur, cujus dominio in temporalibus subiaceat, & quæ sit causa scientiæ?

2. An sciat in illa Civitate esse Ecclesiam Cathedralis, vel Metropolitanam, sub qua invocatione, cujus structuræ, & quali-

qualitatis, an aliqua reparatione indigeat, & quæ sit causa scientiæ?

3. Si est Ecclesia Archiepiscopalis, an sciat, quot Episcopos suffraganeos habeat, & qui sint, si est Episcopalis, an sciat cui Archiepiscopo sit suffraganea, & quæ sit causa scientiæ?

4. Quot, & quales sint in dicta Ecclesia Dignitates, & Canonicatus, & alia Beneficia Ecclesiastica, quis sit numerus omnium Presbyterorum, & Clericorum inibi in divinis inservientium, quæ sit dignitas major post Pontificalem, quales sint redditus Dignitatum, Canonicatum, & aliorum Beneficiorum, & an adsint Præbenda Theologalis, & Poenitentaria, & quæ sit causa scientiæ?

5. An in ea cura animarum exerceatur, per quem, an sit in ea fons Baptismalis, & quæ sit causa scientiæ?

6. An habeat Sacrarium sufficienter instructum sacra sapperlectili, cæterisque rebus ad divinum cultum, & etiam ad Pontificalia exercenda necessariis, chorum, organum, campanile cum campanis, & cæmeterium, & quæ sit causa scientiæ?

7. An sint in ea corpora, vel aliquæ insignes Reliquiæ Sanctorum, quomodo asserventur, & quæ sit causa scientiæ?

8. An habeat domum pro Archiepiscopi, vel Episcopi habitatione, ubi, & qualem, quantum distet ab Ecclesia, & an reparatione indigeat, & quæ sit causa scientiæ?

9. An sciat verum valorem reddituum mensæ Archiepiscopalis, vel Episcopalis, ad quam summam annuatim ascendant, in quibus consistant, an sint aliqua pensio onerati, ad cujus, vel quorum favorem dicta pensio sit reservata, & quæ sit causa scientiæ?

10. Quot existant in illa Civitate Ecclesiæ Parochiales, & an unaquæque habeat Fontem Baptismalem, quot item in illa existant Collegiæ, quot Monasteria virorum, & mulierum, quot Confraternitates, & Hospitalia, & an ibi sit Mons Pietatis, & quæ sit causa scientiæ?

11. Quantum sit ampla Diocesis, quot, & quæ loca complectatur, & quæ sit causa scientiæ?

12. An in ea erectum sit Seminarium: quot in eo pueri alantur, & quæ sit causa scientiæ?

13. An ipsa Ecclesia vacet, quomodo, a quo tempore citra, & quæ sit causa scientiæ?

De statu Ecclesiarum, quæ sunt in partibus infidelium, quantum fieri poterit, diligens examen instituatur, neque admittantur Tituli in Provinciali non descripti, vel qui in scripturis Sacri Collegii non reperiuntur.

Interrogatoria pro habenda informatione status alicujus Monasterii.

1. **I**N qua Provincia, & Diocesi sit Monasterium, & quæ sit causa scientiæ?

2. Cujus Ordinis sit, & quæ sit causa scientiæ?

3. Quis sit numerus Monachorum, & quis eos tanquam caput regere consueverit, & quæ sit causa scientiæ?

4. Sub qua invocatione sit Ecclesia ipsius Monasterii, cujus structuræ, & qualitatibus. An indigeat reparatione, & quæ sit causa scientiæ?

5. Qui sint redditus mensæ Abbatialis, vel Prioralis, qui redditus mensæ Conventualis, & quæ sit causa scientiæ?

6. An Monasterium habeat aliquam jurisdictionem temporalem, aut spiritualem, quam, & in quos, & quæ sit causa scientiæ?

7. An habeat curam animarum, per quæ hæc exerceatur, & quæ sit causa scientiæ?

8. An vacet, quomodo, & a quo tempore citra, & quæ sit causa scientiæ?

Quid agendum perfecta Inquisitione.

Cum totum examen, seu Inquisitio de persona promovenda, & informatio de statu Ecclesiæ, seu Monasterii perfectæ fuerint, Notarius eas, una cum scripturis, & documentis publicis, & authenticis, ac Professione Fidei instrumentum publicum, rediget.

Si Processus Inquisitionis confectus fuerit extra Rom. Cur. Prælatus, qui eam confecerit, ad Pontificem clausum, & obfignatum transmittet, si Ecclesia, vel Monasteria non sint ad nominationem, vel præsentationem Imperatoris, vel alicujus Regis: si vero de hujusmodi nominatione, vel præsentatione, transmittet processum ad Cardinalem illius Regni, vel Provinciæ Protectorem, in qua est Ecclesia, vel Monasterium providendum.

Ipsæ autem Prælatus, vel per literas separatas, simul tamen cum processu mittendas, vel per subscriptionem hujusmodi processus significabit, quanta fides testibus examinatis, eorumque dictis, & scripturis productis suo judicio habenda sit, simul etiam quid de promovendo ipse sentiat.

Processus sic formatus, & transmissus primum a Cardinale, cui illum in Consistorio referendi munus incumbet, deinde a tribus Cardinalibus Prioribus Ordinum subscribetur: & postea fiet relatio in Consistorio.

Cardinalis relator monere debet promovendum, si præfens in Curia sit, ut juxta Concilium Lateranen. novissime celebratum omnes Cardinales, vel majorem partem Collegii adeat, antequam Ecclesia, vel Monasterium proponatur, ut quæ a referente Collega sunt audituri, oculata fide, quantum ad personam ipsius promovendi attinet, cognoscere possint.

(a) Hæc Instructio publicata fuit anno 1627.

Ex Reg. in Secret. Brev.

Facultas Episcopo Casenaten. Status Urbini Governatori, auctoritate, & nomine Sanctae Sedis prohibendi quibusvis subditis Sedis Apostolicae Ecclesiasticis, & secularibus, etiam Principibus, ne eveniente obitu Ducis Urbini Populos ad arma convocare, militum copias cogere &c. audeant.

Ven. fratri Laurentio Episcopo Casenaten.

URBANUS PAPA VIII.

Ven. frater salutem, & apostolicam benedictionem.

Exordium.

Creditum humilitati nostrae, nullo licet meritum suffragio, per abundantiam divinae gratiae Apostolatus officium postulat, ut licet communi totius gregis dominici saluti sollicitis studiis jugiter invigilemus, peculiari tamen Populorum nostro, & S. R. E. temporali dominio subditorum securitati, & quieti studio incumbamus; aequum reputantes, & rationi consonum, ut haec Sancta Sedes, quae universos fideles sublevare solet, hos potissimum in suam tutelam specialiter receptos ab omni injuria vindicet, illasque tueatur, & defendat.

Franciscus M. Urbini Dux Episcopus Casenaten. Ducatus Casenaten. Gubernator deputat.

§.1. Cum itaque alius dilectus filius Nobilis vir Franciscus Maria Urbini Dux provide considerans, Ducatum Urbini, necnon Civitates Senogallien., & Pisaurin. ac Sancti Leonis cum Terra, & Arce Majori, totumque Statum Montisferetran., aliaque dominia, Civitates, Oppida, Castra, Terras, Arces, propugnacula, seu fortalitia, & loca quaecumque, etiam speciali nota, & expressione digna, in & sub Statu dicti Ducatus Urbini ad praesens quomodolibet comprehensa ejus antecessoribus dudum a Romanis Pontificibus predecessoribus nostris in feudum data, & concessa, seu alia per eum quomodolibet possessa per obitum suum sine liberis, & descendentibus masculis legitimis, & naturalibus ob lineam finitam, cum omnibus eorum Territoriis, Districtibus, Jurisdictionibus, membris, Juribus, etiam prohibendi, ac pertinentiis universis, excepto Castro Podii Hybernorum, & aliis bonis non feudalis, neque jurisdictionibus relaxatis, & reservatis Francisco M. Duci praedicto, ejusque haeredibus, & successoribus in Instrumento Concordiae sub die 30. Apr. 1624. celebrato aperta, ac ad nos, & Rom. Ecclesiam, Sedemque, & Camera Apostolicam reversura, & devoluta iri, ac pertinere; Se vero pro vestra aetate jam existere, necnon mensurabiles dies suos, humanamque vitam in imagine pertransientem sibi ob oculos proponens, ut curis, aliisque impedimentis secularibus solutus, de substantia sua, quae apud Deum est, tutius adipiscenda solidiori meditationum, aliorumque piorum operum exercitio cogitare valeret; Te Gene-

ralem, quoad ipse vixerit, Ducatus, & aliorum Dominiorum praedictorum Gubernatorem ad electionem nostram deputaverit.

§.2. Nos ne si quid humanitus eidem Francisco Mariae Duci contingat, nihil quod ad munus nostrae partes pro nostro, & Sedis praedictae ditionis temporalis populorum securitate, & quiete spectat, praetermittere volentes, Motu proprio, & ex certa scientia, ac matura deliberatione nostris, deque apostolicae potestatis plenitudine Tibi, Tuisque, & aliis quibuscumque quacumque dignitate Ecclesiastica, sive etiam laicali fungentibus in gubernio seu administratione Status, & Domini hujusmodi successoribus, sive aliis eandem Sedem in eis representantibus ex nunc, prout postquam dictus Franciscus Maria Dux viam universae Carnis ingressus fuerit, universis, & singulis Archiepiscopis, Episcopis, & aliis locorum Ordinariis sub Interdicti ingressus Ecclesiae, ac suspensionis a divinis, & tam iis, quam quibusvis Ducibus, Principibus, Marchionibus, Comitibus, Baronibus, & Domicellis, necnon Vicariis, Feudatariis, Magistratibus, Communitatibus, Universitatibus, Officialibusque, & Ministris, ac aliis personis etiam Ecclesiasticis Secularibus, & Regularibus, demumque universis, & singulis subditis nostris immediatis, & mediatis cujuscumque status, conditionis, praeheminentiae, & dignitatis etiam de necessitate exprimenda existentibus in virtute sanctae obedientiae, ac sub indignationis nostrae, necnon excommunicationis latae sententiae, & rebellionis, necnon confiscationis omnium bonorum, & ultimi supplicii poenis per contrahentes eo ipso, absque ulla declaratione, incurrendis, ne casu aperiitionis, seu devolutionis praedictarum per obitum ipsius Francisci Mariae Ducis, seu alius quomodocumque, & quomodocumque eveniente, seu succedente, ipsi, seu eorum aliquis per se, vel alium, seu alios directe, vel indirecte quovis quaesito colore, ingenio, vel praetextu, aut ex quavis causa, etiam quantumvis pia, rationabili, privilegiata, & iusta, Militum copias cogere, comparare, vel ducere, neve Populos, vel sigillatim singulares personas publice, aut privatim, palam, vel occulte ad arma convocare, conclamare, concitare, neque armorum manus, coetus, conventus, seu illicitas, & tumultuosas collectas, sive Cavalcatas, vel adunatas facere, vel simul congregare, aut milites, vel collectas hujusmodi in propriis, seu aliis Domibus, seu locis recipere, habere, vel retinere, aut aliquid hujusmodi moliri, vel machinari.

§.3. Ipsi vero particularibus personis, ut praefertur, vel aliis quomodolibet qualificatis, ne collectis Militum hujusmodi, tam armatis, quam inermibus, sive convocationibus, conclamationibus, aut Conventibus, coetibus, & tumultibus hujusmodi intervenire, aut praemissis auxiliium, consilium, vel favorem quovis modo, & ex quacumque causa praestare, absque expressa licentia tua audeant, seu praesumant, sive illorum

Urbanus prohibet, quomodo eveniente Ducis obitu, quicumque arma cogat, Milites scribat &c.

Aut quisquam hujusmodi inter se convocationibus sine ejusdem Episcopi licentia.

Facultas eidem conceditur inobedientes puniendi.

lorum aliquis audeat, vel praesumat, sed in quavis illorum praetensione ad Te recursum habeant, seu habeat, auctoritate, & nomine nostris districte prohibendi, & interdicendi.

§.4. Omnes vero, & singulos supra expressos, & quilibet alias singulares personas, etiam Ecclesiasticas tam seculares, quam quorumvis Ordinum, & Militiarum etiam S. Joannis Hierosolymitani regulares, si quae earum, aut aliquis illorum mandatis, iussis, & monitionibus tuis hujusmodi obtemperare recusaverint, aut illis quoquo modo contraxerint, vel se se opposuerint, tanquam nostris, & apostolicis mandatis, iussis, & monitionibus parere recusantes illisque contradicentes, ac se opposcentes, nostros, & S. R. E., ac Sedis Apostolicae rebelles declarandi, & publicandi, ac contra illos summarie, simpliciter, & de plano sine strepitu, & figura iudicii manu regia, nullo Juris ordine servato, nec aliquo formato processu, more militari, & Jure belli, ad privationem officiorum, Feudorum, & bonorum quorumcumque etiam alodialium per eos in quibuscumque locis possessorum, seu quovis modo obtentorum respective, omni, & quacumque appellatione, & recursu postpositis, procedendi, ac ubi iusticia ita exegerit, & ordo distaverit rationis, seu cum ita expedire judicaveris, eosdem contradicentes, & rebelles quacumque pecuniaria, vel corporali, ac etiam ultimi supplicii poena affici faciendi, ac generaliter omnia, & singula in praemissis, & circa ea necessaria, & quomodolibet opportuna, etiam si talia sint, vel fuerint, quae sub generali verborum significatione non veniunt, sed specialibus indigerent vocabulis, specialemque, expressam, & individuum requirerent mentionem, faciendi, dicendi, gerendi, & exequendi, plenam, liberam, & amplam facultatem, & auctoritatem tenore praesentium concedimus, & impartimur.

Ab hoc Decreto excipiuntur Commissarii ad Ducatus possessionem capiendam a S. Sede deputati.

§.5. Sub prohibitionem autem, & interdictum per Te vigore praesentium faciendis, & publicandis nolumus comprehendi, nec comprehensos ullo modo censerari a morum Gubernatores, Arcium Praefectos, sive Castellanos, & Militiarum Capitaneos, nec alios, qui pro capiendis Civitatibus, Arcibus, Fortalitiis, Terrarum, Castrorum, Palatiorum domini totius Status hujusmodi, ac bonorum feudalis, sive jurisdictionalis Sedis, & Camera praedictarum possessione, ac eorum contra omnes, & quoscumque, qui illa invadere praesumerent, defensione una cum Militibus suae cura commissis, tua, seu aliorum a Nobis auctoritatem, & facultatem ad id habentium iusta, & mandata in eventus hujusmodi ea, qua decet, promptitudine exequi debent, & tenentur.

Contraria tolluntur.

§.6. Non obstantibus praemissis, necnon omnibus illis, quae in praedictis Literis volumus non obstat, ceterisque contrariis quibuscumque.

§.7. Volumus autem, ut praesentium

transumptis, seu exemplis etiam impressis, manu alicujus Notarii publici subscriptis, & sigillo personae in dignitate ecclesiasticae constitutae munitis, eadem prorsus fides in Judicio, & extra ubique locorum habeatur, quae praesentibus haberetur, si forent exhibitae, vel ostensa.

Datum Romae apud S. Mariam Majorum sub Annulo Piscatoris die 14. Augusti 1627. Pontificatus nostri Anno Quinto.

Transumptis danda fides.

Dat. 14. Augusti 1627. An. V.

CCXXXVI.

Confirmatur Decretum Congregationis Concilii super matrimoniis, quae inter transferentes domicilium contrahuntur.

Ex Reg. in Secret. Brev.

URBANUS PAPA VIII.

Ad futuram rei memoriam.

§.1. Exponi Nobis nuper fecit Venerabilis frater Archiepiscopus Coloniensis, quod habito nuper per eum ad Venerabiles fratres nostros S. R. E. Cardinales Sacri Concilii Tridentini interpretes recursum super infra scriptis dubiis videlicet, Primo: An Incola tam masculi, quam feminae loci, in quo Concilium Tridentinum in puncto matrimonii est promulgatum, & acceptatum, transeuntes per locum, in quo dictum Concilium non est promulgatum, retinentes idem domicilium, valide possint in isto loco matrimonium sine Parocho, & Testibus contrahere. 2. Quid si eo praedicti Incola tam masculi, quam feminae solo animo sine Parocho, & Testibus contrahendi se transferant, habitationem non mutant? 3. quid si iidem Incola tam masculi, quam feminae eo transferant habitationem, illo solo animo, ut absque Parocho, & Testibus contrahant.

Dubia ab Archiepisc. Coloniens. proposita.

§.2. Iidem Cardinales ad primum, & secundum, non esse legitimum matrimonium inter sic se transferentes, & transeuntes cum fraude. Ad tertium vero dubiorum hujusmodi si domicilium vere transferant, matrimonium esse validum responderunt, & resolverunt, prout in Decreto desuper emanato plenius continetur.

Solutio Congreg. Concil.

§.3. Cum autem, sicut eadem expositio subjungebat, dictus Archiepiscopus responsum, seu dubiorum praedictorum resolutionem hujusmodi pro illius subsistentia, & validitate firmiter, apostolicae nostrae confirmationis robore communiri summo perere desideret;

Pecur pontificia auctoritate confirmari.

§.4. Nos eundem Archiepiscopum specialibus favoribus, & gratis prosequi volentes, supplicationibus illius nomine Nobis super hoc humiliter porrectis inclinati, responsum, seu dubiorum praedictorum resolutionem hujusmodi, auctoritate apostolica, tenore praesentium approbamus, & confirmamus, illisque inviolabilis apostolicae firmitatis robur adiciamus.

Confirmatur.

§.5. Decernentes, illud, seu illam, necnon praesentes Literas valida, firma, & efficacia

Clausula:

caucia existere, & fore suosque plenarios, & integros effectus sortiri, & obtinere: sicque, & juxta illa per quoscumque Judices ordinarios, & delegatos etiam Caesarum Palatii Apostolici Auditores judicari, ac deffini debere: ac irritum, & inane, si secus super his a quoquam quavis auctoritate scionter, vel ignoranter contigerit attentari.

§.6. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die 14. Augusti 1627. Pontificatus nostri Anno V.

Derogatio contrarium
Dat. die 14. Augusti 1627. An.V.

CCXXXVII.

Jubilaeum Christifidelibus in Aethiopia Imperio commorantibus.

URBANUS PAPA VIII.

Ad futuram rei memoriam.

Procuriam. P Astoralis Officii Nobis divina providentia commissi res exigat, ut de salute dominici gregis solliciti ad eos Christifideles mentis nostrae aciem, & paternae charitatis affectum praecipue dirigamus, quos in partibus ab hac Sancta Sede remotissimis constitutos, spiritalibus commodis, & gratiis carere cognoscimus.

§.1. Hinc est, quod Nos attendentes, Christifideles in Aethiopia, ac aliis locis Carriffimi in Christo filii nostri Sulthani Sagued Aethiopiae Imperatoris dominio subiectis commorantes ob maximam ab alma Urbe nostra distantiam, aliaque legitima impedimenta ad eandem Urbem pro percipiendis spiritalibus anni Jubilaei proxime praeteriti fructibus accedere non potuisse, & proinde super eorum statu in intimis animi, & misericordiae visceribus commoti eos speciali indulgentiarum, ac Jubilaei munere consolari volentes, supplicationibus quoque dicti Sulthani Imperatoris nomine Nobis super hoc humiliter porrectis inclinati, de omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus illarum partium Christifidelibus vere poenitentibus, & confessis, ac sacra communione refectis, quod unam seu plures Ecclesiam, seu Ecclesias, vel loca pia per Venerabilem fratrem Patriarcham Aethiopiae deputan. per quindecim dies continuos, vel interpolatos, quos pro personis infirmis, senibus, praegnantibus, Virginitibus, Viduis, & aliis quovis alio legitimo impedimento detentis, ac Capitulis, Congregationibus, tam secularium, quam regularium, Sodalitatibus, Universitatibus, ac Confraternitatibus, Ecclesiam, seu Ecclesias, vel Cappellas, aut loca pia hujusmodi processionaliter visitantes, atque ob alias causas, prout eidem Patriarchae videbitur, ad minorem numerum illius arbitrio reduci posse volumus, devote, ac reverenter vi-

Qui praefertis hic opera adimpleverint

sitando respective, & ibi quinque Orationem Dominicam, & toties Salutationem Angelicam pro peccatorum suorum remissione, ac pro pace inter Principes Christianos conservanda, & haeresum extirpatione, ac Sanctae Matris Ecclesiae exaltatione pie ad Deum orando plenariam ejusdem anni Jubilaei omnium peccatorum suorum Indulgentiam, & remissionem semel tantum consequantur: perinde, ac si quatuor Ecclesias dictae Almae Urbis pro consequendo Jubilaeo hujusmodi statutis ad id diebus personaliter visitassent, & alia ad hoc requisita adimplevissent.

§.2. Et ad hunc effectum illis, ut confessarios, quos idem Patriarcha Jubilaei hujusmodi causa in statutis Ecclesiis respective deputaverit, sibi eligere valeant presbyteros seculares, vel cujusvis Ordinis regulares, qui confessionibus illorum diligenter auditis, eos, ac eorum quemlibet a quibusvis peccatis, criminibus, excessibus, & delictis, etiam Sedi Apostolicae reservatis, ac in Literis, quae in Die Coenae Domini legi consueverunt, contentis, necnon censuris, & poenis Ecclesiasticis ad effectum ipsius Jubilaei consequendum tantum, in juncta eis poenitentia salutaris, absolvere possint.

§.4. Necnon, & ut illi, qui Romam forsitan venerunt, ac Jubilaeum ipsum quovis modo consequuti sunt, denuo etiam illud juxta tenorem praesentium consequi valeant concedimus.

§.5. Praeterea eidem Patriarchae, ut cujusvis Ordinis Monialibus, & orphanorum, aliarumque mulierum in communi viventium Congregationibus ad Jubilaeum ipsum intra Monasterium, Domosve suas consequen. conditiones, modum, & tempus praescribere, & denique in praemissis omnibus, & singulis illius arbitrio facere, ordinare, providere, & quaecumque sibi visa remedia opportuna adhiberi possit prout animarum saluti expedire judicaverit, facultatem tribuimus, & impartimur. Praesentibus ad tres menses tantum a die illarum publicationis computan. tantum valitur.

§.6. Volumus autem, quod praesentium transumptis etiam impressis manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus fides in Judicio, & extra ubique adhibeatur, quae ipsi originalibus literis adhiberetur, si forent exhibitae, vel ostensa.

Datum Romae apud Sanctam Mariam Majorem sub annulo Piscatoris die 31. Augusti 1627. Pontificatus nostri Anno V.

Christifidelibus facultas conceditur eligendi Confessarium &c.

Jubilaeum consequi etiam possunt, qui illud Romae sunt consecuti.

Alias facultates Patriarchae concessae.

Transumptis danda fides.

Dat. die 31. Augusti 1627. An.V.

Indul-

CCXXXVIII.

Indultum celebrandi Missam, & recitandi Officium die quinta Februarii de Viginti tribus Martyribus ex Ord. FF. Min. Sancti Francisci de Observantia Provinciae Discalceatorum Sancti Gregorii, Philippinarum, & Japoniae pro Fratribus d. Ordinis ubique existentibus, & pro aliis quibuscumque Manilen. Diocesis tantum.

Isti Beati fuerunt Martyris coronati una cum tribus aliis de Societate Jesu de quibus etiam celebrari Missam posse idem concessit Pontifex in Const. seq.

URBANUS PAPA OCTAVUS

Ad perpetuam rei memoriam.

Exordium. S Alvaloris, & Domini Nostri Jesu Christi, qui Milites suos inclytos, quorum mors pretiosa in conspectu ejus, immortalitatis corona donat in Coelis, vices quamquam immeriti gerentes in terris, pia Christifidelium praesertim Catholicorum Regum vota, per quae eorumdem Sanctorum militum veneratio promovetur, & laudatur Dominus in Sanctis suis, ad exauditionis gratiam libenter admittimus, favoribusque, & gratiis prosequimur opportunis.

§.1. Cum itaque, sicut dilectus filius Petrus Baptista Procurator Fratrum Ordinis Minorum Sancti Francisci de Observantia, Discalceatorum nuncupatorum, Provinciae Sancti Gregorii Philippinarum, & Japoniae, Nobis nuper exponi fecit, venerabiles Fratres nostri S.R.E. Cardinales Sacris Ritibus praepositi in Causa Canonizationis Viginti trium Martyrum, videlicet, Petri Baptista, & Sociorum ejus ex dicto Ordine, quorum nempe sex professi, ceteri vero laici, & familiares, coadjutores eorumdem sex professorum erant, quique omnes pro Christi nomine in Oppido Civitate nuncupato Nangasaku extra muros in Regno Japoniae Cruci affixi, & transverberati fuerunt, in Sacro Rotae Auditorio, & deinde de mandato nostro ab eisdem Cardinalibus, referente dilecto filio nostro Tiberio Tituli S. Priscae Presbytero Cardinale Muto nuncupato, discussa, censuerint constare de martyrio, & miraculis: ideoque ad actuale illorum Canonizationem quodocumque deveniri posse; Superiores vero dicti Ordinis pro eo, quem erga eisdem Martyres gerunt devotionis affectu, Officium, & Missam de illis, donec ad solemnem eorum Canonizationem, pro qua non solum dictus Petrus eorumdem Fratrum nomine, verum etiam charissimus in Christo filius noster Philippus Rex Catholicus, ac charissima in Christo filia nostra Isabella Regina Catholica Hispaniarum, necnon universa Civitas Manilen., & Chinen., seu Machanen. alique Nobis per eorum literas ad Nos transmissas humiliter supplicarunt, deveniatur, ut infra recitari posse plurimum desiderent.

Supplicatum fuit Pont. pro facultate, de qua in Rubr.

Bull. Rom. Tom. VI. Par. I.

§.2. Nos piis eorumdem Superiorum votis hujusmodi, quantum cum Domino possumus, annuere, illosque specialibus favoribus, & gratiis prosequi volentes, eorumque singulares personas a quibusvis excommunicationis, suspens., & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus d. Petri, & eorumdem Superiorum nomine Nobis humiliter porrectis inclinati; De eorumdem Cardinalium consilio, ut de eisdem Martyribus, tam ab omnibus dicti Ordinis Sancti Francisci Religiosis ubique existentibus, quam etiam aliis ecclesiasticis, & secularibus personis Manilen. Diocesis dumtaxat, ubi praecipue dictorum Martyrum pro Christi fide labores valde profecerunt, Officium, & Missa de Comuni plurimorum Martyrum die eorum Natali, videlicet die quinta Februarii recitari, & celebrari respective libere, & licite possit, & valeat, apostolica auctoritate tenore praesentium licentiam, & facultatem concedimus, & impartimur.

§.3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.4. Volumus autem, quod praesentium transumptis etiam impressis, manu alicujus Notarii publici subscriptis, & sigillo alicujus personae in dignitate ecclesiastica constitutae munitis, eadem prorsus fides ubique adhibeatur, quae eisdem praesentibus adhiberetur, si forent exhibitae, vel ostensa.

Datum Romae apud S. Mariam Majorem sub annulo Piscatoris, die 14. Septembris 1627. Pontificatus nostri Anno V.

CCXXXIX.

Indultum celebrandi Missam, & recitandi Officium de tribus Martyribus Paulo Michi, Joanne de Goto, & Didaco Quizai de Societate Jesu quotannis die quinta Februarii pro omnibus d. Societatis Religiosis.

Hoc indultum ad omnes Sacerdotes tam Seculares, quam Regulares ad Ecclesias hujus Societatis confluentes extendit Sacra Rituum Congregatio, ut in Decreto mox subsequente quod Urban. VIII. approbavit.

URBANUS PAPA VIII.

Ad perpetuam rei memoriam.

Procuriam. S Alvaloris, & Domini Nostri Jesu Christi, qui Milites suos inclytos, quorum mors pretiosa est in conspectu ejus, immortalitatis corona donat in Coelis, vices quamquam immeriti gerentes in terris, pia Christifidelium praesertim Catholicorum Regum vota, per quae eorumdem San-

Qui modo ei concedit.

Contraria removendo.

Transumptis quae credi mandando.

Dat. die 14. Septem. 1627. An.V.

Procuriam.

L. florum

Supplicatio facta Pontif. pro hujusmodi Indulto.

clorum militum veneratio promovetur, & laudatur Dominus in Sanctis suis, ad exauditionis gratiam libenter admittimus, favoribusque, & gratis prosequimur opportunis.

§.1. Cum itaque, sicut dilecti filii Præpositus Generalis, & Presbyteri Societatis Jesu Nobis nuper exponi fecerunt, Venerabiles fratres nostri Sanctæ Romanæ Ecclesiæ Cardinales Sacris Ritibus præpositi in causa Canonizationis trium Martyrum, videlicet, Pauli Michi, ac Joannis de Goto, & Didaci Quizai ex dicta Societate, qui pro Christi nomine in Oppido Civitate nuncupato Nangasaqui extra muros in Regno Japoniæ Cruci affixi, & transverberati fuerunt, in Sacro Rotæ Auditorio, & deinde de mandato nostro ab eisdem Cardinalibus, referente dilecto filio nostro Tiberio Tituli S. Priscæ Presbytero Cardinale Muto nuncupato, discussa, censuerint, constare de martyrio, & miraculis; Ideoque ad actualem illorum Canonizationem quodcumque deveniri posse. Præpositus vero, & Presbyteri prædicti pro eo, quem erga ipsos Sanctos Martyres gerunt devotionis affectu, Officium, & Missam de illis, donec ad solemnem eorum Canonizationem (pro qua non solum iidem Præpositus, & Presbyteri, verum etiam charissimus in Christo filius noster Philippus Rex Catholicus, ac charissima in Christo filia nostra Isabella Regina Catholica Hispaniarum, necnon univèrsa Civitas Manilen., & Chinen., seu Machanen, aliique Nobis per eorum literas ad Nos transmissas humiliter supplicarunt) deveniatur, ut infra recitari posse plurimum desiderant;

Concessio, de qua in Rubr.

§.2. Nos piis ipsorum Præpositi, & Presbyterorum votis quantum cum Domino possumus, annuere, illosque specialibus favoribus, & gratis prosequi volentes, eorumque singulares personas a quibusvis excommunicationis, suspens., & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus Præpositi, ac Presbyterorum prædictorum nomine Nobis super hoc humiliter porrectis inclinati; De eorumdem Cardinalium consilio, ut de eisdem Martyribus ab omnibus dictæ Societatis Religiosis ubique existentibus, Officium, & Missa de Comuni plurimorum Martyrum die eorum Natali, videlicet, die quinta Februarii recitari, & celebrari respective libere possit, & valeat, apostolica auctoritate tenore præsentium licentiam, & facultatem concedimus, & impartimur.

Derogatio contrariorum

§.3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Transumptorum fides.

§.4. Volumus autem, ut præsentium transumptis etiam impressis, manu alicujus Notarii publici subscriptis, & sigillo alicujus personæ in dignitate ecclesiastica constitutæ munitis, eadem prorsus fides ubique

adhibeatur, quæ ipsis præsentibus adhibetur, si forent exhibitæ, vel offensæ.

Datum Romæ apud S. Mariam Majoris sub Annulo Piscatoris die 15. Septembris 1627. Pontificatus nostri Anno V.

Dat. die 15. Septem. 1627. An. V.

Sequitur Decretum Sacræ Rituum Congregationis, quo prædictum Indultum extenditur ad omnes Sacerdotes tam Seculares, quam Regulares ad Ecclesias d. Societatis confluentes.

Um aliàs sub die 3. Julii 1627. Sacra Rituum Congregatio, annuente Sanctissimo, concessit, ut de tribus Sanctis Martyribus e Societate Jesu Paulo Michi, Joanne de Goto, & Didaco Quizai in Japonia pro Christi fide Cruci affixis, Officium ac Missa de Comuni plurimorum Martyrum ipsa die eorum Martyrii, nempe 5. Februarii, ab omnibus presbyteris ejusdem Societatis, ubique existentibus, recitari, & celebrari posset; instante Generali Patrum Societatis Jesu, indultum prædictum, ad omnes Sacerdotes, tam seculares, quam regulares ad eorum Ecclesias confluentes, extendi posse eadem Sacra Congregatio censuit. Facto verbo cum Sanctissimo, Sanctissimus annuit die: 26. Septembris 1629.

Jo. Baptista Card. Detus.

F. Fulv. Benign. Secr.

CCXL.

Præfigitur terminus trium mensium ab istius Constitutionis publicatione partibus ad retractandum omnia contra Constitutiones Sixti V. Clementis VIII., & Pauli V. super prohibitionem alienandi Fortalitia, & Castra, aliaque bona Jurisdictionalia in Statu Ecclesiastico existentia absque Sedis Apostolicæ licentia, & contra illarum declarationem, & extensionem respective quoad Castra diruta, & alia in eis expressa a Sanctitate Sua emanatas, gesta, & Notariis, etiam Sedis Apostolicæ, etiam de numero participantium ad instrumenta, de quibus sunt rogati, exhibendum, & in eorum margine cassationes adnotandum. Et insuper mandatur testibus, quatenus contractus omnes, quibus interfuerint, intra similem terminum a die contractus revelari & de eis notam dare debeant.

Prohibitionem hujusmodi alienationum a Sixto V. editam habes in ipsius Constitut. VII. Sollicitudo Tom. IV. Par. IV. fol. 134. Et Clem. VIII. declarationem, & extensionem lege in ejusdem Const. CCL. Romanum Tom. V. Par. II. fol. 271. Ac Pauli V. innovationem in Const. CCLXXXI. Pastorale Tom. V. Par. IV. fol. 246. ampliavit Urbanus VIII. in Const. CCCXXIV. Decens ut supra fol. 50.

Quia

Quia vero multe alienationes contra tenores dictarum Constitutionum factæ fuerant, ne temporis progressu jurisdictionis aliqua usurpetur, seu fines jurisdictionales confundantur, erexit Congregationem de Confinitibus Status Ecclesiastici, Sedi Apostolicæ mediate, vel immediate subiecti, nuncupandam, ut in Const. 241. Debitum. fol. 85.

URBANUS EPISCOPUS

SERVUS SERVORUM DEI

Ad perpetuam rei memoriam.

Exordium.

S Edes Apostolica pia mater filii pœnas, quas illi per inobedientiam, vel negligentiam incurrerunt, aliquando remittere, & condonare consuevit, ad hoc ut illi benignitatem experti, ad ea, que sibi injuncta sunt, fidelius peragenda incitentur, eos vero, qui clementiam suam agnoscere non curant, timore pœnæ perterere non desistat.

Refertur Constitutio ab ipso edita quam habes indicatam in Rubr.

§.1. Nuper siquidem per alias nostras, sub Dat. videlicet Kal. Junii Pontificatus nostri anno 4. consecutas literas Constitutiones per sel. record. Sixtum V., Clementem VIII., ac Paulum etiam V. Romanos Pontifices prædecessores nostros super prohibitionem Fortalitia, & Castra, aliaque bona Jurisdictionalia in Statu Ecclesiastico existentia absque Sedis Apostolicæ licentia alienandi editas confirmavimus, & innovavimus, eaque quoad Castra diruta, Tenutas, & Prædia etiam non Jurisdictionalia in confinitibus loci Jurisdictionalis, & bona in dicto Statu in confinio Principum exterorum sita, illorumque locationes, & censuum annuorum super præmissis omnibus impositarum, & impositorum venditiones extendi declaravimus, & respective extendimus, prout in dictis literis plenius continetur.

Partibus que Const. Clem. VIII. Sixt. V. & hujus Pont. contraveniunt terminum trium mensium ad retractandum gesta contra ipsas Constitutiones, & pœnas exigi prohibetur durante.

§.2. Licet autem omnes, & singuli, qui ad venditiones, alienationes, locationes, aliaque in singulis Constitutionibus, ac etiam nostris literis prædictis respective fieri prohibita, aut eorum aliquod nulla Sedis Apostolicæ præcedente in scriptis obtenta licentia, vel illa apud Notarium in actu celebrationis contractus minime dimissa devenerint, & seu executioni demandaverint, pœnas omnes in Constitutionibus, & earum qualibet, ac etiam in nostris literis prædictis contentas eo ipso incurrerint, & incurrisse censeri debeant; Nihilominus ex nostra benignitate mitius agendo, Motu proprio, non ad alicujus oblatæ Nobis desuper petitionis instantiam, sed ex mera nostra scientia, & deliberatione, ac de Apostolicæ potestatis plenitudine, omnibus, & singulis, qui in præmissis, aut eorum aliquo hæctenus contravererint, terminum trium mensium, a die publicationis præsentium computandum, intra quem omnes, & singuli tam emptores, quam venditores, cæterique quomodolibet contravenientes omnia, & singula per eos gesta, & inde sequuta quæcumque retractasse, & actu retro Bull. Rom. Tom. VI. Par. I.

simili in pristinum, prout ante sequutam aliquo modo contraventionem erant, reposuisse, & restituisse debeant, apostolica auctoritate præfigimus per præsentem, quo quidem termino durante pœnas prædictas, tam ab ipsis contrahentibus, scilicet, venditoribus, alienantibus, & locatoribus, ac emptoribus acquirantibus, & conductoriibus, quam a Notariis exigi nolumus.

§.3. Ipso autem termino clapsio, & præmissis non parito, tam Camera nostræ Apostolicæ Commissarium, quam Fisci Procuratorem generalem dilectos filios posse, & debere ejusdem Camera nomine, & nemine vocato, ac manu regia, & exequutive, ac etiam de facto, citra vitium spoli, nullitatis, & attentatorum, possessionem bonorum venditorum, alienatorum, vel locatorum capere ad effectum retinendi & fructus illorum percipiendi ad utilitatem dictæ Camera, ac respective possessionem suo tempore consignandi juxta Constitutionum, & notarum literarum prædictarum formam personis in eisdem Constitutionibus, & nostris literis designatis; necnon etiam desuper agere coram quocumque, Romanæ Curie, seu Status nostri Ecclesiastici Judice pro effectuali, & integra revocatione, & restitutione omnium, & singulorum in pristinum, non obstante taciturnitate, negligentia, ac etiam contradictione ipsorummet contrahentium, & cujuslibet eorum, ita quod etiam illis, seu altero eorum non instantibus, quinimo etiam invitatis, & contradicentibus, omnia, ut præfertur, etiam manu regia in pristinum quam primum reponantur, & contravenientes, ac omnia, & singula in pristinum infra dictum terminum trium mensium non reponentes in pœnas prædictas ipso jure, absque aliqua declaratione, etiam si quoad contrahentes, & eorum quemlibet pretia restituta, aut alia in recompensam soluta, tradita, vel in eis quomodolibet promissa adimpleta non fuerint, incurrisse, & in illas incidisse.

Quo elapso tamquam contra non patentes manu regia, & exequutive procedatur, & pœna exigatur.

§.4. Notarios quoque etiam Sedis Apostolicæ nuncupatos, etiam de numero participantium, intra eundem trium mensium terminum, tam in exhibendo instrumento, quam etiam ulterius in adnotando in margine ipsorum instrumentorum cassationem, retractationem, restitutionem, & restitutionem in pristinum omnium contra Constitutionum, & literarum prædictarum tenorem actorum, paruisse debere, aliàs privationis officiorum suorum, & alias omnes pœnas in eisdem Constitutionibus, & literis inflictas incurrisse, eadem auctoritate decernimus, & declaramus.

Notarii omnes instrumenta hujusmodi exhibeant, & in margine cassationes adnotentur intra d. terminum.

§.5. Et insuper, ne Constitutiones, & nostræ literæ prædictæ ex occultis contrahentibus fraudari contingat, præcipimus, & mandamus, quod omnes, & singuli testes, qui in prædictis contractibus, scilicet, venditionis, alienationis, locationis, & aliis, ut præfertur, prohibitis de cætero celebrandis adhibiti fuerint, infra terminum trium mensium a die cujuslibet celebrati contractus computandorum sub pœnis nostris, &

Testes, qui hujusmodi contractibus interfuissent, re-velent contra eos, & Notarios de illis rogatos infra terminum 3. mensium.

L 2

pro

Licentia, & beneplacitum Sedis Apost. super præsmissis, vel similibus concessa, seu concedenda, ad favorem Sedis, & Camerae Ap. concessa intel ligantur.

Clausulae:

Præceptum observantiae hujus Const.

Derogatio contrariorum

pro tempore existentis Romani Pontificis arbitrio imponendis, contractus, quibus inter venerint, revelare, & de eis, ac Notariis de illis rogatis notam dare teneantur, etiam si contractus ipsi in executionem iudicati, vel in vim subhaftationis, aut aliis quomodolibet celebrati extiterint.

§.6. Demum licentias, & beneplacitum Apostolicum a Sede Apostolica in quorumcumque Baronum, & aliorum quomodolibet nuncupatorum Montium erectione, seu censuum impositione, vel aliis quomodolibet concessa hæcenus, & imposterum quovis tempore concedenda, ac etiam Motu proprio, & aliis quomodolibet emanata, hæcenus, & in futurum emananda, etiam quoad omnia in eisdem licentiis, & beneplacito expressa, & exprimenda, sine præiudicio quorumcumque iurium Camerae Apostolicæ, in quemcumque casum, seu eventum cuiuscumque devolutionis, seu caducitatis ex quocumque capite hæcenus quomodolibet forsan incurra, seu de cætero quomodolibet incurrendæ, & purificatæ, seu purificandæ ad favorem Sedis, & Camerae prædictarum in, & super Civitatibus, Castris, Oppidis, Terris, & locis jurisdictionalibus, & non jurisdictionalibus, ac etiam bonis per prædictas Constitutiones, & nostras literas qualificatis, nec alias, aliter, aut alio modo intelligi debere, aut posse harum ferie similiter declaramus.

§.7. Sicque, & non aliter in omnibus, & singulis præmissis per quoscumque Iudices ordinarios, delegatos, & commissarios, & etiam Camerae prædictæ Clericos Præsidentes, necnon causarum Palatii Apostolici Auditores, ac S. R. E. Cardinales etiam Camerarium, & de latere Legatos iudicari, & definiri, ac interpretari debere, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane quicquid fecerit super his a quoquam quavis auctoritate scienter, vel ignoranter contigerit attentari, etiam decernimus.

§.8. Injungentes, & mandantes in virtute sanctæ obedientiæ, ac sub pœna indignationis nostræ eisdem Legatis, ac dilectis filiis Prolegatis, Gubernatoribus, etiam Urbis, ac Iudicibus nunc, & pro tempore in eadem Urbe, & toto Statu nostro prædicto existentibus, & cuilibet eorum, ut præsentibus nostras, & in eis contenta quæcumque in Urbe, ac Statu prædictis ab omnibus, & singulis, ad quos quomodolibet spectat, & in futurum spectabit, perpetuo observari mandent, & faciant, & pro omnium, & singulorum præmissorum inviolabili observatione contra inobedientes, & præmissis in aliquo contravenientes, & alios, quos opus erit, omnibus iuris, & facti mediis opportunis similiter manu regia, & via executiva, ac omni, & quacumque appellatione remota, procedant.

§.9. Non obstantibus nostra de non tollendo iure quaesito, ac aliis Constitutionibus, & Ordinationibus Apostolicis, ac omnibus illis, quæ Sixtus, & Clemens, ac Paulus

prædecessores prædicti in dictis Constitutionibus, & Nos in literis nostris volumus non obstare, cæterisque contrariis quibuscumque.

§.10. Ut autem præsentibus omnibus innotescant, volumus, & apostolica auctoritate pariter decernimus, quod illæ in valvis Ecclesiæ Lateranen., & Basilicæ Principis Apostolorum de Urbe, necnon in acie Campi Floræ publicentur, & affigantur, quæ postquam sic affixæ, & publicatæ fuerint, quoscumque tam in Romana Curia, & Statu prædicto, quam extra eos existentes perinde obligent, & arctent, ac si unicuique eorum nominatim, & personaliter intimatæ fuissent.

§.11. Quodque earum exemplis, etiam impressis, manu Notarii publici, & sigillo alicuius personæ in dignitate ecclesiastica constitutæ munitis eadem prorsus fides adhibeatur, quæ ipsismet præsentibus habetur, si essent exhibitæ, vel ostensa.

§.12. Nulli ergo omnino hominum liceat, hanc paginam nostræ præfixionis, præcepti, declarationum, injunctionis, mandatorum, voluntatis, & decretorum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud S. Mariam Majorem, Anno Incarnationis Dominicæ millesimo sexcentesimo vigesimo septimo 5. Kalendas Octobris Pontificatus nostri Anno Quinto.

Anno a Nativitate Domini Jesu Christi 1627. Indict. 10. Pont. Sanctiss. in Christo Patris, & D. N. D. Urbani divini providentia Papa VIII. anno ejus 5. die vero 5. mensis Octobris, retrospectæ literæ Apostolicæ publicatæ, & affixæ fuerunt ad valvas Principis Apost. de Urbe, S. Joannis Lateran., & in acie Campi Floræ per nos Paulam Barrocciam, & Augustinum de Bolls Apost. Curs.

Matthias Magister.

Forma, & effectus publicacionis.

Exemplorum fides.

Sanctio penalit.

Dat. die 27. Sept. 1627. An.V.

Ere-

CCXLI.

Erectio Congregationis super Confinibus Status Sedi Apost. mediate, vel immediate subiecti, cum deputatione illius Præfecti, & Consultorum, & facultatibus eisdem concessis.

Sixtus V. prohibuit alienari bona in forenses, & Castra, aliaque bona jurisdictionalia tam in forenses, quam in subditos absque Sedis Apost. licentia, ut in ejus Const. VII. Solicitudine Tom. IV. Par. VI. fol. 134. Quam prohibitionem innovarunt Clem. VIII. in Const. XCCL. Romanum Tom. V. Par. II. fol. 371. Et Pauli V. Const. CCLXXXI. Pastorale Tom. V. Par. IV. fol. 246. Et pariter iste Pont. eas confirmavit, declaravit, & amplioris in Const. CCXXXIV. Decens, ut supra fol. 50. At cum multæ alienationes contra prædict. Const. factæ fuissent præfixit partibus terminum ad eas revocandum absque pœnarum incursum institutione, ut in Const. CCXL. Sedes ibid. fol. 82. Quod cum parum profuisset hanc Congregationem erexit, & instituit.

URBANUS EPISCOPUS

SERVUS SERVORUM DEI.

Ad perpetuam rei memoriam.

Exordium.

Debitum Pastoralis officii Nobis meritis licet imparibus divina dispositione commissi mentem nostram continua pulsant instantia, ut ad ea, quæ nostræ, & Sedis Apostolicæ Civitatum, Oppidorum, & locorum, aliorumque bonorum, Confinium, & terminorum mantentionem, & conservationem, ac illorum incolarum securitatem, & dictæ Sedis subditorum securitatem, & tranquillitatem concernunt, etiam per novarum Congregationum præmissis sedulo vigilantium erectionem procuranda, opem, & operam, quantum Nobis ex alto conceditur, efficaces impendamus, aliaque desuper disponamus, prout ad Camerae nostræ, & subditorum eorumdem utilitatem, & Status nostri Ecclesiastici tuitionem conspicimus in Domino salubriter expedire.

Sixt. V. Clem. VIII. & Paul. V. ediderunt Const. cit. in Rubrica quas iste Pont. innovavit, & extendit, ut in Const. pariter cit. in Rubr.

§.1. Nuper siquidem ex præmissis, & certis aliis tunc expressis rationibus, & causis adductis, ac Romanorum Pontificum prædecessorum nostrorum vestigiis inherentes, unam a fel. record. Sixto V. sub Kalendis Julii Pontificatus sui Anno I. qua cavetur, ne bona in forenses, & Castra, aliaque jurisdictionalia tam in forenses, quam in subditos absque Sedis Apostolicæ licentia alienentur, ac aliam a pia mem. Clemente VIII. sub pridie nonas Julii Pont. sui anno 10. prædictæ Sixti innovatoriam, ac extensivam, ac reliquam perpetuo valituras Constitutiones a recol. me. Paulo etiam V. Romanis Pontificibus prædecessoribus nostris sub 12. Kalend. Decembris Pontific. sui anno 13. respective datas, editas, ac prædictas Sixti, & Clementis prædecessorum etiam innovatoriam, & declaratoriam non

tantum apostolica auctoritate perpetuo approbavimus, confirmavimus, & innovavimus, sed etiam ad Castra diruta, Tenutas, prædia etiam non jurisdictionalia in confinibus loci jurisdictionalis, & ad bona in nostro, & Sanctæ Romanæ Ecclesiæ Statu, ac confinio Principum exterorum sita, illorumque locationes, ac censuum annuorum super præmissis impositiones, & impositorum venditiones d. auctoritate etiam perpetuo extendimus, & ampliavimus, prout in nostris desuper sub Dat. Kal. Junii Pontificatus nostri Anno Quarto.

§.2. Verum quia sicut Nobis postea non sine gravi animi nostri mœrore innotuit, variæ impune contra Constitutionum, & Literarum prædictarum tenores factæ fuerunt alienationes, & nisi in præmissis aliquod opportunum remedium adhibeatur, periculum est, ne temporis progressu, & varietate jurisdictio aliqua usurpetur, & terminis, seu fines jurisdictionales confundantur, seu confusione, & usurpationi hujusmodi occasio præbeatur.

§.3. Nos in præmissis, quantum cum Domino possumus, oportune providere volentes, ac Constitutionum, & Literarum hujusmodi, a quibus per præsentibus recedere non intendimus, sed in earum primævo robore eas perpetuo remanere volumus, totos, & integros tenores etiam veriores, ac datas, perinde ac si de verbo ad verbum infererentur, præsentibus pro plene, & sufficienter exprellis habentes, Motu proprio, non ad alicujus Nobis desuper oblata petitionis instantiam, sed ex certa scientia, meraque deliberatione nostris, ac de Apostolicæ potestatis plenitudine, Congregationem de Confinibus Status Ecclesiastici Nobis, & Sedi Apostolicæ mediate, vel immediate subiecti nuncupandam, quæ uni ex ejusdem Sanctæ Romanæ Ecclesiæ Cardinalibus, qui Præfectus, & aliis partim ex sacra Consulta Status hujusmodi, partim ex Camera Apostolica prædicta, necnon etiam aliquibus aliis insignibus a Romano Pontifice pro tempore existente seligendis viris, qui Consultores dictæ Congregationis respective existant, constare debeat.

§.4. Et apud quam, ac Præfectum, & Consultores hujusmodi omnes, & singulas venditiones, permutationes, alienationes, & quascumque alias dispositiones contra, vel præter tenorem, & formam dd. Constitutionum, & Literarum factas, ac faciendas, tam partibus instantibus, quam ex officio cognoscendi, examinandi, ac prout eis visum fuerit, in toto, vel in parte cassandi, annullandi, aut nullas declarandi, moderandi restringendi, revocandi, confirmandi, & approbandi, aut de novo concedendi, & dubitationes quascumque super eisdem Constitutionibus, & Literis, causis, & occasione alienationum hujusmodi ortas, vel oriundas tollendi, declarandi, & decidendi, necnon controversias, & lites quascumque sive inter Nos, Sedem, Camera Apostolicam, & quascumque personas tam seculares, quam ecclesiasticas cuiuscumque di-

Causa erectio nis hujus Congregationis.

Erectio Congreg. de Confinibus Status Eccles. Sedi Apost. mediate, & immediate subiecti nuncupanda.

Que sint Causæ ab ea cognoscendæ.

gui-